

Xeev Wisconsin Txoj Kev Pab Birth to 3 (Me Nyuam Yug Kiag txog 3 Xyoos)

Qhia Me Ntsis Txog Cov Kev Pab

(Wisconsin Birth to 3 Program **Services at a Glance**)

Muaj cov kev pab txhawb thiab kev pab tu xyuas cuam tshuam nram no hauv Txoj Kev Pab Birth to 3. Txhua cov kev pab yog muab raws li tus tib neeg cov hom phiaj thiab cov ua tau los ntawm koj lub tsev neeg thiab tus me nyuam. Cov kev txiav txim txog cov kev pab yog muaj los ntawm ib pab neeg ua ib ke, thiab yuav muab koj lub tsev neeg thiab tus me nyuam tso tuaj pem hauv ntej.

Koj yuav sib koom tes nrog tus thawj tswj xyuas kev pab, uas yuav pab koj nrhiav thiab tswj xyuas cov kev pab tu xyuas thiab kev pab txhawb. Yuav muaj cov kev pab thiab nyiaj pab raws li tsoom fww teb chaws cov kev cai. Txoj Kev Pab Birth to 3 (Me Nyuam Yug Kiag txog 3 Xyoos) yuav coj koj mus cuag cov kev pab uas yuav pab kom koj caum cuag koj cov hom phiaj thiab cov kev xav tau, tsis hais hom nyiaj pab twg.

Cov kev pab cuam tshuam ntxov yuav pab tus me nyuam kawm, sib ua ke thiab txawj zuj zus nyob rau hauv tsev, hauv chaw zov tu me nyuam thiab hauv cov kev kawm txhua hnuv. Kev kawm thiab kev loj zuj zus tshwm sim ntawm cov chaw uas koj lub tsev neeg siv sij hawm nyob rau thiab hauv cov kev kawm uas tus me nyuam muaj kev lom zem thiab kev raus tes nrog. Txoj Kev Pab Birth to 3 (Me Nyuam Yug Kiag txog 3 Xyoos) muab cov kev pab rau ntawm qhov chaw koj nyob txhua hnuv. Qhov no yuav pab tus me nyuam kawm thiab xyaum cov txuj ci tshiab nyob rau ntawm cov chaw uas lawv yeej swm nyob.



Thawj Cov Kev Pab

Kev Tswj Xyuas Kev Pab

Yuav pab koj lub tsev neeg thiab tus me nyuam mus cuag cov kev pab cuam tshuam ntxov thiab nkag siab txog koj cov cai. Cov thawj tswj xyuas kev pab yuav teem cov sij hawm ntsuam xyuas, pab tsim muaj lub tswv yim npaj kev pab, thiab coj koj mus cuag yam koj tu ncuu.

Kev Qhia Ntawv Tshwj Xeeb

Muab tus me nyuam koom nrog cov kev kawm uas yuav txhawb tau rau lawv txoj kev kawm thiab kev xeeb loj. Qhov no muaj tej tswv yim uas yuav pab lawv txoj kev loj zuj zus, kev kawm, kev ua si, thiab kev ntaus phooj ywg nrog lwm cov. Yuav qhia cov tswv yim rau tib leeg uas pab tau tus me nyuam txoj kev kawm, cov txuj ci thiab txoj kev xeeb loj txhua yam.

Kev Kho Lub Cev Kom Ua Tau Hauj Lwm

Yuav pab tsus me nyuam kawm cov txuj ci tshiab los ntawm txoj kev xyaum kawm ib hnuv dhau ib hnuv. Cov txuj ci tshiab no yuav pab rau lawv txoj kev ua si, kev txav mus los, thiab kev sib ua ke nrog lub ntiaj teb ib puag ncig lawv. Cov kev pab no yuav pab txhawb rau tus me nyuam txoj kev peev xwm koom nrog cov dej num thiab cov kev kawm txhua hnuv nyob rau hauv tsev, hauv lub zej zog thiab ntawm lwm cov chaw uas koj lub tsev neeg mus nyob rau.

Kev Kho Lub Cev

Yuav pab rau tus me nyuam lub cev ntaj ntsug thiab cev nqaidj daim tawv kom muaj zog. Qhov no pab kom lawv txav tau mus los, ua si thia koom nrog cov kev kawm ib hnuv dhau ib hnuv. Cov kev pab qoj ib ce kom zoo puav leej pab txo tsawg kev hnov mob thiab tiv thaiv los sis txo tsawb cov kev tsis taus ntawm lub cev.

Cov Kev Kho Kev Hais Lus thiab Kawm Lus

Yuav pab tus me nyuam nkag siab thiab siv cov lus. Cov kev pab kho kev hais lus yog txheeb txog cov kev txhawj xeeb thiab nrhiav cov kev kawm uas yuav txhawb rau cov nqaij leeg qhov ncauj kom tus me nyuam hais tau cov suab lus meej. Cov kev pab kho kev hais lus yuav puav leej pab tus me nyuam siv ib lub tshuab hais tawm suab lus thiab yuav muaj xa mus cuag kev kho mob los sis lwm cov kev kho tshaj lij thaum twg tsim nyog.



WISCONSIN DEPARTMENT
of HEALTH SERVICES

P-03011H (06/2021)

Lwm Cov Kev Pab Ntxiv

Cov Kev Kho Qhov Ntsej Hnov Lus

Yuav txhawb rau tus me nyuam txoj kev kawm, kev sib txuas lus thiab kev sib ua ke nrog lwm cov neeg. Qhov no yuav muaj kev xyaum thiab kev tiv thaiv nrog. Cov kev kho qhov ntsej hnov lus yuav pab txheeb kom paub seb tus me nyuam puas muaj teeb meem tsis hnov lus zoo, tsis hnov lus txog qib twg, thiab yuav muaj xa mus cuag kev kho mob los sis lwm cov kev kho tshaj lij thaum twg tsim nyog.

Cov Kev Qhia Piav Tes thiab Kev Siv Tes Piav Qhia

Yuav pab tus me nyuam kawm ib txoj kev sib txuas lus uas ua hauj lwm rau nws. Cov kev pab no yuav pab koj lub tsev neeg thiab tus me nyuam piav tes, siv tes piav qhia (cov tes cim qhia cov suab sib txawv), los sis hais suab lus. Koj yuav puav leej muaj cov kev pab txhais lus thiab txhais ntawv (xws li hais lus nrov).

Cov Kev Kho Qhov Muag Pom Kev

Yuav pab tus me nyuam tsis pom kev zoo kawm, ua si thiab sib ua ke nrog lwm cov neeg, sib txuas lus, xuas yos kom paub thiab txav mus los nyab xeeb nyob rau hauv cov chaw uas lawv nyob. Qhov no yog xyaum txav mus los. Kev xyaum txav mus los yuav txhawb rau tus me nyuam txoj kev raus tes koom nrog koj lub tsev neeg cov dej num thiab kev kawm txhua hnuv. Cov kev pab no puav leej muaj kev xyaum pom kev thiab lwm cov kev xyaum uas yuav pab tswj tau txhais tes xuas tam lub qhov muag.

Tsev Neeg Kev Xyaum, Kev Txhawb Zog Siab thiab Cov Kev Sib Ntsib Hauv Tsev

Yuav pab koj lub tsev neeg nkag siab txog cov kev tu ncuu tshwj xeeb ntawm tus me nyuam thiab yuav txhawb rau tus me nyuam txoj kev xeeb loj.

Cov Kev Pab Txog Kev Noj Kev Haus

Yuav pab nrhiav thiab coj koj mus cuag cov kev pab muaj nyob rau hauv lub zej zog thiab cov kev pab uas yuav muaj txiaj ntsim zoo tshaj plaws los ntawm txoj kev cuam tshuam ntxov. Cov kev pab no yog muaj raws li koj lub tev neeg cov kev tu ncuu los sis kev txaus siab xav tau. Tej zaum yuav muab koj mus cuag cov chaw muab kev kawm ntaub ntawv los sis kev txais nyiaj txiaj, cov kev txhawb rau kev tu tub ki, kev txhawb zog siab rau lub tsev neeg los sis lwm cov chaw muab kev pab nyob rau hauv zos.

Tsheb Thauj Mus Los thiab Cov Nqi Txuam Muaj

Yuav tau muaj nyiaj pab rau tsheb thauj mus los thiab lwm cov kev kawm thiaj li pab tau koj lub tsev neeg thiab tus me nyuam mus cuag cov kev pab cuam tshuam ntxov.

Cov Khoom Pab Lub Cev

Cov Tshuab Siv Pab Txhawb

Yuav pab tus me nyuam kawm ntxiv, tswj los sis txhim kho cov txuj ci. Cov qauv ua piv txwv yog xws li cov tshuab siv pab kev sib txuas lus, cov yas pob qij txha los sis ko taw cuav, thiab cov khoom txhawb cev kom xyaum taug kev.

Cov Kev Pab Qhia Siv Tshuab Pab Txhawb

Yuav pab koj lub tsev neeg xaiv, muab cuag thiab siv lub tshuab pab txhawb.

Kev Kho Mob thiab Lwm Cov Kev Pab

Cov Kev Pab Kho Kab Mob Kev Nkeeg

Yuav pab kom tus me nyuam tau txiaj ntsim zoo los ntawm lwm cov kev pab cuam tshuam ntxov. Cov qauv ua piv txwv yog xws li ib sij ntxuav tu xov lim kua cev, tu xyuas qhov caj pas, xov pub noj pub haus, kev hloov ntaub qhwv mob los sis cov hnab xau kua yig ntawm plab, thiab lwm cov kev kho kab mob kev nkeeg.

Cov Kev Tu Mob

Yuav pab koj lub tsev neeg thiab tus me nyuam daws cov teeb meem kab mob kev nkeeg muaj tam sim no los sis cov yuav muaj taus. Cov kev pab no puav leej yog kev tu mob kom tiv thaiv tau cov teeb meem kab mob kev nkeeg, rov zoo los sis rov ua taus, txhawb rau txoj kev noj qab haus huv thiab kev xeeb loj, thiab muab cov tshuaj thiab kev kho raws li txig los ntawm tus kws kho mob muaj ntawv tso cai kho mob.

Cov Kev Pab Txog Khoom Noj Haus

Yuav pab qhia cov khoom noj khoom haus uas pom zoo, cov tswv yim noj haus thiab cov kev pab rau kev pub noj haus, cov yam ntxwv noj haus thiab cov khoom noj uas nyiam.


Cov Kev Kho Siab Ntsws Kho Hlwb

Yuav pab txhawb rau tus me nyuam lub hlwb, lub siab ntsws kev xav, thiab txoj kev kawm. Qhov no yog kev txhawb zog siab rau koj (tus niam txiv los sis tus neeg zov tu) thiab tus me nyuam, kev txhawb zog siab rau lub tsev neeg, kev pab tswv yim txog me nyuam kev xeeb loj, niam txiv kev kawm tu tub ki, thiab cov kev kawm ntaub ntawv.

Lwm Cov Kev Pab Cuam Tshuam

Cov chaw muab kev pab uas tsim nyog los pab txhawb rau tus me nyuam txoj kev kawm ntxov, kev loj hlob, thiab kev xeeb loj los sis rau koj lub tsev neeg cov kev tu ncuu kiag.



 Txoj Kev Pab Birth to 3 (Me Nyuam Yug Kiag txog 3 Xyoos), mus xyuas www.dhs.wisconsin.gov/birthto3/family/index.htm.